



Na osnovu Odluke o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 2/23) i člana 8. Instrukcije o podnošenju zahtjeva za finansiranje/sufinansiranje aktivnosti/programa/projekata, za dostavljanje izvještaja i pravdanju sredstava i druga značajna pitanja za udruženja, organizacije i saveze od posebnog interesa za Kanton Sarajevo broj: 06-02-3431/23 od 06.03.2023. godine, ministar za boračka pitanja Kantona Sarajevo objavljuje

OBAVJEŠTENJE

za podnošenje zahtjeva za finansiranje/sufinansiranje aktivnosti/programa/projekata udruženja, organizacija i saveza od posebnog interesa za Kanton Sarajevo za 2023. godinu

I Pravo podnošenja zahtjeva po ovom obavještenju za finansiranje/sufinansiranje aktivnosti/programa/projekata imaju udruženja, organizacije i savezi koja čine Koordinacioni odbor boračkih organizacija Kantona Sarajevo, a koja su u skladu sa Odlukom o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 2/23), utvrđena da su od posebnog interesa i značaja za Kanton Sarajevo.

II Zahtjevi za finansiranje/sufinansiranje aktivnosti/programa/projekata boračkih udruženja iz tačke I ovog obavještenja se pripremaju i podnose u skladu sa odredbama Instrukcije o podnošenju zahtjeva za finansiranje/sufinansiranje aktivnosti/programa/projekata, za dostavljanje izvještaja i pravdanju sredstava i druga značajna pitanja za udruženja, organizacije i saveze od posebnog interesa za Kanton Sarajevo broj: 06-02-3431/23 od 06.03.2022. godine (u daljnjem tekstu: Instrukcija).

III Dokumentacija koju je potrebno dostaviti utvrđena je Instrukcijom i Obrascem - Prijava za finansiranje/sufinansiranje aktivnosti/programa za udruženja, organizacije i saveze od posebnog interesa za Kanton Sarajevo.

IV Zajedničke odredbe

1. Primaoci finansijske podrške za realizaciju programa ili projekta koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ili su dostavili neadekvatan narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program ili projekat, ne mogu biti prihvaćeni za finansiranje programa ili projekata.
2. Obrazac prijave za finansiranje/sufinansiranje aktivnosti/programa za udruženja, organizacija i saveza od posebnog interesa za Kanton Sarajevo, Obrazac za prijavu projekta, Obrazac opisnog (programskog) izvještaja o utrošku sredstava, Obrazac mjesečnog finansijskog izvještaja o utrošku sredstava, koje treba primjenjivati prilikom izrade izvještaja o utrošku



dodijeljenih sredstava, kao i obrasci izjava pod tačkama g), l), m) i n) na Obrascu prijave za finansiranje/sufinansiranje aktivnosti/programa za udruženja, organizacija i saveza od posebnog interesa za Kanton Sarajevo, mogu se naći na web stranici ministarstva (mbp.ks.gov.ba).

3. Dodatne informacije vezane za ovo obavještenje mogu se dobiti putem telefona: 033 562 007, 033 562 008, 033 562 273 ili na e-mail: mbp@mbp.ks.gov.ba.
4. Rok za podnošenje prijave po ovom obavještenju je 15 dana od dana postavljanja obavještenja na web stranici Ministarstva, odnosno zaključno sa 28.03.2023. godine.
5. Prijave sa potrebnom dokumentacijom dostaviti na protokol Kantona Sarajevo ili poštom na adresu:

**Ministarstvo za boračka pitanja Kantona Sarajevo,
ulica Reisa Dž. Čauševića br. 1,
71000 Sarajevo.**

Broj: 06-02-3431/23
Sarajevo, 09.03.2023. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba